

LAIHILH SANGSIATE MAPANNA (TUTOR LEARNING INITIATIVE): NULEHPATE, ACING AKEMTE LEH INNKUANPIHTE THEIHSAKNA

Hih theihsakna in nulehpate leh acing akemte ading hi a, 2021 kum sang laisinna ah sangnaupangte a panpih ding ahi Laihilh Sangsiate Mapanna (Tutor Learning Initiative) tawh kisai a hihi.

2020 sangkah kum pen sang khempeuh ading a lamdang leh haksat kum a hihi.

Victoria gamke sangnaupang tampi in Terms 2 na leh 3 na ah a gal pan laisnin tu kum hun tampi zang uh a, Victoria gamke sangte leh community kipawlna tuamtuamte in hih hun sungah sangnaupangte ading laihihna leh laisinna a kizoppaisuak theih nadingin a tuamdang diakin hamciamna nei uhi.

Term 4 na ah, Victoria gamkebup sangte sangnaupangte lungsim cidamna leh lungnopna ngah nading a kibulphuh banah, sanginn ngiat ah laisin kik theih nading mapangin kipanpih hi. Sangsia/siamahte in zong sangkhan-bulphuh encikna leh sittelnate zangin, sangnaupate laisinna sittelna, mimal laisinna kikhainate genna leh laisinna ah panpih ding a kitangsam deuh sangnaupangte kantelnate limtak nei uhi.

A gal pan laisinna ah muhna leh theihna sangnaupang khat leh khat kibanglo ding cih ka thei uhi. Sangnaupang pawlkhat in a zuih zawh hangin, a gal pan laisinna ah sangnaupang pawlkhat lunglut khin zolo kha ding uhi. Sangnaupang a tamzaw ading, 2021 kum ah a kician mahmah hunman laihihna kicingin om ta dinga, laisinna ah lamet zah in khantohna kingah thei ding hi. 2021 kum ah sangnaupang pawlkhat in a kibehlap thua ding nakpitakin laisinna panpihna tungtawn pan phattuumna ngah ding uhi.

Na theihsa ding mah bang un, hih thu tawh kisai genkik leng, 2021 kum ah panpihna a kisan thua sangnaupangte a panpih ding sia/siamah dingin, Victoria gamkebup sang khempeuh in sia/siamah 4,100 kiim tawh a kizop theih nading Laihilh Sangsiate Mapanna (Tutor Learning Initiative) ah Victoria gamke kumpi in sum \$250 million zang/zek ding hi. Hih mun ah sangnaupangte ading bangzah ciang na kitem cih sangte in khinkhai-in en ding uh a, sangnaupangte in adang laisinna ahihkeileh sang activity te ah nawngkaina a tawm theithei ding lampi tawh tua panpihna a ngah hamtang nadingin vaihawm ding hi.

Nakpitakin laisinna ah naupangte a panpih ding sia/siamahte tawh kizom thua in, sangkhan sungah laihih sia/siamahte in sangnaupang dangte' khantohna, lunglutna leh lungnopna ding a kitangsam khempeuh a kicin nading a lianzaw hihtheihna nei ding hi. Tua ahih manin sangnaupang khempeuh in a kitangsap uh panpihna ngah ciat ding uhi 2021.

Laihilh Sangsiate Mapanna (Tutor Learning Initiative) tawh kisai leh sang ah mimal laisinna panpihna kitangsam sangnaupangte ading koici sep ding cih tawh kisai theih beh ding thute 2021 kum sangnaupangte laisin kipat ma in kipulak ding hi.

Term 4 na ah, sangte in a gal pan laisinna tawh kisai a tuahkhak thute leh sanginn ngiat pai in sangkahkikna ah a tuahkhak thute uh theihel nadingin sangnaupangte tawh kithuah khawm ding uhi.

Inn pan laisin hun sung ahi a, sang ngiat pai in laisin hun sung ahi zongin, laisinna ah na tate lunglutna tawh kisai na theihnop leh, sanginn hopih in.